



Na tuuina mai e le pulefale ia te a'u se Faasilasilaga mo le 10-Aso ina ia Mulimulita'i pe Tuuaese

-
- ❖ Faitau *pe afai* o oe o se tagata e nofo i le setete o Uasigitone.
 - ❖ O loo faaauau pea ona suia tulafono mo faateesega. Faitau i luga o le uepisaiti suiga fou e uiga i le tulafono [WashingtonLawHelp.org/resource/eviction](https://www.washingtonlawhelp.org/resource/eviction)
 - ❖ Afai o le pulefale o loo faamata'uina oe i se faateesega, valaau 1-855-657-8387 PE apalai mo se fesoasoani i luga o le uepisaiti nwjustice.org/apply-online.
 - ❖ E mafai ona e maua pepa faamatalaga i luga o le uepisaiti WashingtonLawHelp.org.
-

Ou te nofo i le sitete o Uasigitone, e tatau ona ou faitauina lenei mea?

Ioe, pe afai o oe o se tagata nofofale i se fale mautotogi ma ua tuuina atu e le pulefale ia te oe se Faasilasilaga mo le 10-Aso ia Mulimulita'ia pe Tuuaese.

Leai, pe afai o le fale e te nofo ai o se fale feavea'i ma o oe o le pule, ma e te totogi se mautotogi mo le fanua. Nai lo lea, faitau le [O le pulefanua mo fanua mo fale feavea'i ua tuuina mai ia te a'u se Faasilasilaga mo le 20-Aso ia Toe Totogi pe Tuuaese](#) maia talanoa i se loia i se taimi vave. O faamatalaga mo fesoata'iga o loo i lalo.

O le a se mea o le a ou mauaina i le faitauina o lenei mea?

- Uiga o lenei faasilasilaga
- O le a le mea e fai pe afai pe afai e te mauaina se faasilasilaga faapenei mai le pulefale
- O fea e maua ai fesoasoani faaletulafono



O le a le Faasilasilaga mo le 10-Aso ona Tuuaese?

O se lapata’iga mai le pulefale. O se pulefale ua talitonu ua e solia (faaleaogaina) se tulafono sili (matua telē) i lau maliega, e ese atu mai le toe totogiina o lau mautotogi, e mafai ona ia tuuina atu lenei ituaiga faasilasilaga.

E tatau ona ta’ua atu ia oe poo fea tonu le vaega tāua (“mea totino”) o le maliega o loo talitonu le pulefale ua e solia. Ona i ai lea o le 10 aso mai le aso sa e mauaina ai le faasilasilaga ina ia taofi ai le solia o tulafono.

Faata’ita’iga: O loo ta’ua i luga o lau lisi poo le maliega e le mafai e tagata e le o lisi a latou igoa i luga o le maliega ona nonofo faatasi ma oe i le sili atu o le tasi vaiaso. Mata e tuuina atu e le pulefale ia oe se Faasilasilaga mo le 10-Aso, o loo ta’ua mai ai o loo iai ni “tagata e le o faatagaina.” Ona iai lea o le 10 aso ina ia faate’aese ai tagata e le o faatagaina, pe o le a faila e le pulefale se moliaga e faate’aeseina ai oe.

E tatau ona manumalo le pulefale i le moliaga mo le faateesega ma ia sainia e se faamasino se faatonuga ina ia tulieseina oe e le leoleo.

Afai e te faaleleia le faafitauli i totonu o le 10 aso mai le mauaina o le faasilasilaga, e tatau e le pulefale ona taofi le molia o oe.

Ae faafefea pe afai ou te nofo i se iunite o Pulega o Nofoga pe out e mauaina le Vaega 8?

E mafai fo’i e le pulefale ona tuuina atu ia oe se Faasilasilaga mo le 10-Aso pe afai o e matua solia se vaega taua o loo manaomia e le polokalame nofofale a le mālo (fesoasoani). Afai e tupu lenei ia te oe, atonu o loo tele nisi aiā matou te le o faamatalaina atu iinei. Faitau le [HUD Housing Evictions](#) ma/poo [Evictions from Public Housing \(Housing Owned by a Housing Authority\)](#) ina e iloa atili.

Ae faafefea pe afai ou te le o malie ua ou solia se tulafono?

Tusi se tusi i le pulefale ma ta’u iai e te le o malie (tete) i le Faasilasilaga mo le 10-Aso. Taofi se kopi o lau tusi. Taumafai e saili se fesoasoani faaletulafono. O faamatalaga mo fesoata’iga o loo i lalo.

E tatau ona tuuina atu le Faasilasilaga mo le 10-Aso i se auala patino?

O le pulefale (poo se aufaigaluega poo se isi tagata matua) e mafai ona “tuuina atu sa’o” i lau lima i le mea o loo e nofo ai. E mafai fo’i ona tuuina sa’o e le pulefale i se isi

tagata matua poo se talavou o loo nonofo faatasi ma oe. E mafai fo'i e le pulefale ona faapipii i luga o lau faitoto'a, ae e tatau fo'i ona meli atu se kopi ia oe.

O se Faasilasilaga mo le 10-Aso o loo tuuina atu e ala i se feau upu ile telefoni, feau pu'e, imeli poo faaletino e le o se faasilasilaga e talafeagai. O lenei e le o se amataga o se moliaga mo le faateesega.

❖ O le faasilasilaga e tatau ona faamaonia.

E mafai e le pulefale ona faate'aeseina a'u i le tuuina mai o lenei faasilasilaga?

Leai. O le tulafono a Uasigitone e faasā ona faate'a e pulefale tagata nofofale e aunoa ma le mulimulita'ia o faagasologa tatau a le faamasinoga. E tatau e le pulefale ona tuuina atu se tusi **faasilasilaga o le "faamutaina"** ae le'i amataina se moliaga mo le faateesega a le pulefale. O le Faasilasilaga mo le 10-Aso ia Mulimulita'ia pe Tuuaese o se tasi ituaiga lea o faasilasilaga o le faamutaina.

E tatau fo'i e le pulefale ona tuuina atu ia oe ni pepa faamasino e ta'ua o le "Aamiga" ma le "Faitioga." O nei pepa e ao ina manaomia ona lafo sau tali i lau pulefale poo lo latou loia. E tatau e le pulefale ona tuuina atu nei pepa ia te oe pe afai latou te manao e fofoga lo latou moliaga i le faamasinoga.

Afai ua e mauaina pepa faamasinoga, valaau le **Eviction Defense Screening Line** ile **1-855-657-8387**.

Ua tuuina mai e le pulefale se tasi o faasilasilaga nei. Sa mafai ona ou faia se fuafuaga ma le pulefale ae le'i failaina se moliaga mo le faateesega. O le a le mea e tupu pe afai ua ou mauaina se isi faasilasilaga?

Afai sa faafā ona e mauaina, ma ua talafeagai le tuuina atu o Faasilasilaga mo le 10-Aso ia Mulimulita'ia pe Tuuaese i totonu o le tasi tausaga, e mafai e le pulefale ona faamutaina lau maliega i le faaogaina o le **Faasilasilaga mo le 60-Aso ona Faamutaina** ae le'i mae'a le vaitaimi tumau. O faasilasilaga e tatau ona faatatau i faaseā eseese.



Saili se Fesoasoani Faaletulafono

- **Feagai ma se Faateesega?** Valaau le 1-855-657-8387.
- **Apalai i luga o le uepisaiti** i le [CLEAR*Online](https://nwjustice.org/apply-online) - nwjustice.org/apply-online
- Feagai ma se Fāoga o lau Fale? Valaau le 1-800-606-4819.
- **Feagai ma se mataupu faaletulafono i totonu o le Itumalo King** (ese atu mai se Faateesega poo se Fāoga Fale)? Valaau le 2-1-1 (poo le numera 1-877-211-9274) aso o le vaiaso 8:00 am - 6:00 pm. E mafai ona avatu se faasinomaga mo se aunaga mo fesoasoani faaletulafono.
- **Feagai ma se mataupu faaletulafono i fafo atu ma le Itulamalo King** (ese atu mai se Faateesega poo se Fāoga Fale)? Valaau le CLEAR Hotline ile 1-888-201-1014 aso o le vaiaso ile va o taimi nei 9:15 am - 12:15 pm pe apalai i luga o le uepisaiti nwjustice.org/apply-online.
- **Tagata Matutua (60 tausaga pe sili atu)** o feagai ma mataupu faaletulafono i fafo o le Itumalo King e mafai fo'i ona valaau le CLEAR*Sr at 1-888-387-7111.
- **Tagata tutuli pe faigata ona faalogo, faigata ona tautala** e mafai ona valaau mai i se isi o numera nei ma faaaogā masini faasalalau ua e filifili iai.

CLEAR ma le 2-1-1 o le a tuuina atu faaliliu upu.

O nei lomiga o avatu ai faamatalaga mo le lautele e faatatau i au tiute ma aiā.
E le faaagaaga e ave ma sui mo fautuaga faaletulafono.

© 2021 Northwest Justice Project — 1-888-201-1014.

(Faatagaga mo le kopiina ma le tufatufaina ua avatu lea ile Alliance for Equal Justice ma tagata e leai se naunau faapisinisi.)